

دوسعادتده یکی پوسته خانه قارشوسنده
دائرة مخصوصه در

محل اراره:

مشرط القلم

۱۳۲۶

انتظار:

مسلكمنزه موافق آثار جديده مع المنونيه قبول اولنور
درج ايديلمين آثار اعاده ارنماز

دين، فلسفه، ادبيات، حقوق و علوم دن باحث هفته لق رساله در

مؤسسلری: ابوالعلا زين العابدين - ح. اشرف اديب

سنه لکی القایلی

درسعادتده	۶۵	۳۵
ولایاتده	۹۰	۵۰
ممالک اجنبیهده	۱۰۰	۵۵

غروشدر

تاریخ تأسیسی:

۱۱ تموز ۳۲۴

درسعادتده نسخه سی ۵۰ پاره در

قیریلنه دن مقوا بورو ایله کوندریلیرسه سنوی
۲۰ غروش فضله آلنیر.

درسعادتده پوسته ایله کوندریلیرسه ولایات بدلی اخذ اولنوره

عدد: ۱۰

۳۲۶ شوال ۱ صالی ۱۴ تشرین اول ۳۲۴

برنجی سنه

منیفه سنی و متضمن اولدینی بعض لطائف شریفه سنی ده بیان ایتدکدن
صکره بوبابده کنديسجه مختار و مرجع اولان وجه تفسیری دخی
بروجه آتی اتیان ایدوب دیورکه :

(جواهر نفوس بشریه بالماهیة مختلف اولوب کیمیسی عالم جسمانیته
قلیل التعلق و عالم روحانیته کثیر الانجذاب اولان نفوس مضمیئة صافیة
کیمیسی ده عالم جسمانیته قوی التعلق و عالم روحانیته عديم الالتفات
اولان نفوس مظلمة جاهله در. بواسطه ادات جواهر نفوسک لوازمندن
اولمله آنلردن انفکاک و زوالی متممدر. یونک ایچون حق جل و علا
حضرتلری حبیب اکرمه « سن آنجق دعوتله اشتغال ایت ، هرکس
ایچون حصول هدایت طمع ایتمه . زیرا ربک تعالی و تقدس حضرتلری
نفوس مظلمة جاهله ناک ضالته ده قاله جغنی و نفوس مشرقه صافیة ناک ده
نور هدایتله تنور و اشراق ایلله جگنی بیلور » بیورمشدر نصل که
هر نفس ایچون بر فطرت مخصوصه و برماهیت مختصه اولدیغنه
(فطرة الله التي فطر الناس عليها لا تبديل لخلق الله) قول شریفی دخی
شهادت ایتکده در)

فخرالدین رازی حضرتلرینک یوقارودنبری نقل و ترجمه ایلدیکن
توضیح محققانه و تفسیر حکیمانه سندن اکلاشیلیورکه ناس ، (خواص)
(عوام) ، (معاندین) طائفه لرندن اولمق اوزره اوج قسمه منقسم
اولوب دین حق و طریق سلامت بونلری ارشاد مقانده کنديلرینه
قارشو سردی لازم کلان ادله ناک بالطبع بشقه بشقه اولمسی ایجاب
ایده جگندن (ادع الی سبیل ربک الخ) آیت جلیله سیله رسول اکرم
افندمن حضرتلری هر صنفک کندي حاله مناسب براهین و دلائل
سوق ایلله تبلیغ احکام و ارشاد انامه مأمور اولمشدر .

طوائف ثلاثه ناک احواله رعایتله تبلیغ احکام و ارشاد انام هر
عصرده موجود اولان علوم و فنونک تحصیلنه متوقف اولدینی ایچون
بزم دخی شو عصرده کی فنون موجوده یی تحصیل ایتمز البته لازمدر .
زیرا زمانم زده طائفة عالیة علوم طبیعیة ایلله مشغول اولوب حتی برطاقم
عملیات ایلله قوانین طبیعیة ناک نه صورتهلر ابراز آتار ایتدیکن کوردکلرندن
بتون کائناتک و کافه مصنوعاتک احداثی بر ماده ایلله اوماده ناک قوتنه
استناده قدر واریورلر . اولله ایسه اوفنلری تحصیل ایتلی که آنلرک
شبهلری نه دن عبارت اولدینی بر تفصیل بیلنسونده آکا کوره برهان
اقامه سیله کنديلری دوشدکلری کرداب ضالالدن تخلص ایلله بیلسون .
زیرا برمرض تشخیص اولمقدجه تدایوسی غیر قابلدر .

مرسی لایم

صدر اسلامه بر نظر

نورنوار اسلامیت جزیره العربده ظهور ایدیور ، درحال آفاق دیار
عربی منور قلیور ، طاعنیق بدویلری لوای سعادت احتوای اسلام
سایه سنده برلشدیر یور .
علو فطرت ایلله ممتاز اولان قوم عرب اعلاء کلمة الله ایچون عربستان

چوللرندن چقیورلر ، مدت قلیله ظرفده دنیا ناک اک بیوک واک مقمن
دولتلی اولان قیصره واکا سرپی سطوت حاکمانه لرینه فرمانفرمای
اطاعت ایدیورلر ، اون بوقدر سنه ظرفنده او قوم نجیب بلادروم
وفرسی ضبط ایدیورلر ، اول و آخر موجود اولان دولتلرک هیچ برینک
نائل اولمه مدینی فتوحاته یارم عصر ظرفنده نائل اولیورلر ، بر عصر دن
آز بر مدت ظرفنده عالمده حصوله کتیردکلری انقلابی اک قوی حکومتلر ،
اک مقمن دولتلر بر قاج عصرده بیله حاصل ایده میورلر ، قبل الاسلام
روم و فرسه فوق العاده تعظیم ایدرلر و آنلردن پک زیاده قورقارلر
و مملکتلرینک عظمتنه حیران اولورلر ایکن نه اولیورکه بر فرقه قلیله
یالکز اوق ، قلیچ ، آرپه ، داری ، عادی بر کسوه ، دوه ، آت ایلله
ایکی دولت معظمیه بر دن میدان اوقوبورلر ، هجومه جرأت ایدیورلر ،
انلری هیچه صایبورلر . نه اولیورکه اقوام فرسی تعقیب ایچون اللرنده
برر قارغی ، آنلرنده برر آت اولدینی حالده قوجه برنهری یوزره رک
چکیورلر . نه اولیورکه اصلا ظهیر و نصیرلری بولنسان بر مملکته
هجوم ایدیورلر . حالوکه او بلده ده مهمات ، دهها زیاده بولنیور .
نه اولیورکه دائماً مملکتلرینک خارجنده حرب ایتدکلری حالده ینه
خصمه کوز آچدیر میورلر . نه اولیورکه پاره لری ، قلعه لری اولمدینی
حالده پاره لری ، قلعه لری چوق اولان خصمه غلبه ایدیورلر . نه اولیورکه
شهادتی حیاته ترجیح ایدیورلر . بو حال قبل الاسلام نه یه حاصل
اولبور ایدی ؟ بو عربلر ینه او عربلردن دکلی ؟ اوت روم و فرس دن
قورقان بادیه نشین عربلر بعد الاسلام تمامیه بشقه بر عالمه کیردیله .
حضیض جهل دن اوج عرفانه و درکه سافله بدویتدن درجه عالیة مدنیه
صعود ایتدیله ، قبائل متشکته ایکن امت واحده اولدیله . بر مقصده خادم ،
بر قانون الهی یه تابع اولدیله . یکدیگرلرینک دشمنی ایکن بر نفسک متعدد
اعضای حکمنده اولدیله . کتابسز ، قانونسز بر قوم ایکن بتون امتک
سعادت و حیات مدنیة ناک کالنی و انسانیتک هر درلو تأمین منعافنی
ضامن اولان بر قانون مؤید الهی یه ، بر جامع الحقایق اولان فرقان ربانی یه
نائل اولدیله . بو حال برخارقه دکلیدر ؟ طاقت بشریه فوقنده بر انقلاب
دکلیدر ؟ بوایشک ایچنده علوی بر یدمعنوی یوقیدر ؟

ایشته بعد الاسلام عربلرده درحال اتحاد و نصرت و صدق دعوت
اعتقاد حاصل اولدی . ارتق پک بیوک طانیدکلری دولتلری پک کوچک
کورمکه باشلادیله ، هجومدن قورقیدرلر ، نصرتی محقق بیلدیله .

اسلامیت عقد اتحادک واسطه یکنه سیدر . خلفا و امرای اسلامیه
بتون خطبلرنده اتحادی توصیه ایدرلر و تفرقه و تشنک حضرتلرینی
یکان یکان تعداد ایلرلر ایدی . هر کوز بش دفعه ادای صلات ایچون جامع
شریفده بولمق دائماً اتحادی درخاطر ایدر ، متین قیلار . هجرتک ایلک
سندلرنده مهاجرین ایلله انصار ارسنده عقد اولان مؤاخاة و مسلمین
ایلله یهود ارسنده عقد اولنان مواده اتحادک اهمیتنی کوسترر .
بو مؤاخاة و مواده خصوصلری تاریخ مدنیته پک مهمدر . حکومت
اسلامیه ناک اساس اولیدر . اسلامیت نصرت و صدق دعوت و تنادی
تأمین ایدر . هر مسلم اعلاء کلمة الله ایچون جهاد ایدر ، دنیایی دین اوغورنده

قطعہ سنی صاغندن صولندن احاطہ ایدوب الہم پرلری اوزرنده برحق حاکمیت و متبوعیتلری واردی . بو ایکی دولتش بری حاکمہ غرب ، دیگرکی حاکمہ شرق اولوب روی زمین بردرلو پایالاشہ مادقلرنندن داغا یکریکری اوزرینه احراز غلبہ و تفوقله اوغراشیر و بو اوغورده ہر ایکی طرفدن برچوق قائلر دوکلیور ، برچوق ماللر تلف اولور ، برچوق خائنلر سونردی . یکدیگرینه دشمن وینلرنده بری مسیحی دیگرکی مجوسی اوراق کی برتخالف موجود اولقلہ برابر ینہ حقیقتده شرق ایله غرب همحال و همعیار ایدی . ہر ایکی طرفده اسراف و سفاقت و بونلردن متولد عادات قبیحہ درجہ قصوای رذالتہ چیقہرق فطرت سلیمہ یی ایکنر دیرہ جک سیئات خوش کورولوردی . ہر ایکی طرفده رؤسای دین ختی اغفال ایله ماللرینی غصب ایتمک و شخصلرینی ہوسات نفسانیدلری اوغورنده استخدام ایلمک ایچون دینی غایت مؤثر برآلت و عادتاً بردامکاء ضلالت اتخاذایدرک عوام ناسی مرتبہ حیوانیتہ قدر تنزیل ایتمشلردی . بر درجہ دہ کہ خلق کندی ماہیت علویہ لرینی ، سبب خلقتلرینی ، بو عالمده کی وظیفہ و خدمتلرینی تحریریہ ، تعلیمیہ لزوم کورمیرہ رک کندیلرینی رؤسای دین و طبقات علیہ رجالہک ہوسات نفسانیدہ و شہوانیہ سنہ خدمت ایچون یارادلمش قیاس و اعتقادندہ بولونورلردی . بویله براعتقاد باطلہ قابیلہرق تسکین ہوسات نفسانیدلرینہ یارایان بر حس دیندارانہ ایله نفوذ و تسلطلرینک غالب و پایدار اولماسنہ خدمت ایدن بو جم غفیر جہلانک البتہ کونک برندہ غتلارینہ طانیشوب کندیلرینہ القا اولنان افکار دینیہ نک بطالانہ قائل اولہ جلری ، دین نامنہ کردن انقیادلرینہ آتیلان ربقتہ مذاقی سیلکوب آنہ جقلری ، حقک باطلہ ، عقلک و ہمد ، بصیرتک عمایہ غلبہ ایدہ جکی رؤسای مرقومہ نک خاطرینہ کلدجکہ سرمایہ منافی اللرنندن آلہ حق اون بوساعتی تأخیر ایچون ابصار بصیرتہ قارشی اوہام و ضلالتدن مرکب سحاب مظلمہ ایجادینہ ، عقللر قارشی اباطیل و خرافاتدن منسوج پردہ لر کریمہ چالیشورلر ایدی . نور فطرتی بو قارا کلقلرک ایچندہ بوغنی ایستیرلردی . عقلی عدوی دین و حقیقت ، محصول عقلی اولان فکر و نظری . کتاب مقدسی تفسیرہ تعاق ایتمدجکہ اک بیوک جنایت کی کویستیرلردی . کتاب مقدسک حق تفسیری ایسہ تغییر و تحریفی کندیلرینہ صنعت و آلت جرم منقمت اتخاذایدن رؤسای دینک انحصارندہ اولوب اونی او قومایہ بیلہ مأذون اولمیان عوام ناس بو تفسیراتی نہ قدر بی معنا و وجدانی اتساع مزیتدن معری او اورسہ اولسون قبول و تصدیقہ مجبور طوئیلوردی .

اوزمان عالم مدنیقی اشغال ایدن اقوامک درجہ معرفتی ، طرز اداره سی ایشته بویله ایدی . بو حال دوام ایدہ ایدہ آرتق حقائق حکمت ساغھدن ، بقایای شریعت حقیقیہ دن ذہنلردہ پک آز برشی قالمشدی . اصول و فروع اعتقاد حقندہ او قدر شہدلر ، او قدر خطا لروکلشدی کہ عقل بشر ظوغروی یا کلیشدن تفریق ایدہ من ، وجدان بشر کندینہ قرارکاء استراحت اولہ جق بر پناہ بولہ ماز اولدی . اہمیتی اوبسیط عقللر جہدہ منکر اولمیان بو حال الیمک سبب یکادسی دین و دہا طوغروسی دینسزلک اولدینی اکلاشیلیوردی . فکرلر تردددن قور تولقی ایچون

فتح ایدر . اولورسہ شہید اولور ، یوم آخرتہ اجر عظیمہ نائل اولور . نشر اسلامی ، دعوتی کندنجہ بروظیفہ بیلیر . نصرتی انجق الہمدن بکلر . بو اتحاد و اعتقادہ نشئہ مظفریت و غنیت منضم اولورسہ ارتق بویله معتقد اولان بر مسلہ قارشو نہ مقاومت ایدر ؟

بو اتحاد و اعتقاد ایله برابر معیشتہ سادہ ایدیلر ، آچلقندن و سوسزلقدن پروا ایتمزلر ایدی . اثنای حربہ یوکلری پک خفیف ایدی ، قضاء باریہ راضی اولورلر ایدی . مقدرات الہیہ قارشو کردندادہ اطاعت ایدیلر ، اوق آمده دہ ، آتہ بنمہ دہ پک زیادہ ماهر ایدیلر ، اثنای حربہ صبر و متانت کویستیرلر ایدی ، بدنلری قوی ایدی ، حزم ، شجاعت و سیاست اربابی چوق ایدی . ابوبکر الصدیق و عمر الفاروق کی اہل حزم و صدق عزیمت ، علی بن ابی طالب ، سعد بن ابی وقاص ، ابی عیدہ بن جراح و خالد بن ولید کی رجال حرب و شجاعت و مغیرہ بن شعبہ ، عمرو بن العاص ، معاویہ بن ابی سفیان و زیاد بن سمینہ کی اہل دہا و سیاست موجود ایدی ، خط رجعتلرینی دائماً تأمین ایدرلر ایدی . ارقہ لرینی صحرایہ و یرلر ایدی . عراق ، شام و مصر اہالیسی مأمورلرینک ظلم و استبدادلرندن مشتکی اولدقلرنندن انلرہ اوامر شرعیہ امتثالاً عدل و رفق وزہد ایله معاملہ اولنور ایدی . بعدالفح اہالی اصلیکہ دینلرینہ ، معاملہ لرینہ ، حتی احکام مدنیہ و قضائیہ لرینہ بیلہ اصلاً تعرض واقع اولمز ایدی . یالکز جزیہ ایله اکتفا اولنور ایدی جزیہ ، بدل حمایہ ایدی . جزیہ ایله برابر انلرک خضوعی شرط قیلنش ایدی . مسلمنلرک استیلاسی اہالیہ آغیر گلز ایدی . ویردکلری جزیہ روم و فرس دولتلرینہ ویریلن ویرکودن دہا آز ایدی . ظلم و حقارت یرینہ عدل و رفق و ولایت کوررلر ایدی .

خلاصہ صدر اسلامدہ اعتقاد ، اتحاد ، درایت ، شجاعت ، متانت ، یوکسدہ ، خفت ، بدندہ قوت ، معیشتہ سادہ لک ، معاملہ دہ ولایت و عدالت ایله امثالی مشہود اولمیان فتوحات جلیلہ مظهر اولدیلر . ۲۷ رمضان ، ۳۲۴ دارالمعلمین مدیری

مفتی

علم تاریخ ، صدق نبوت محمدیہ بی جناب پیغمبرک صورت نشأت و ظہوریلہ اثبات ایدر .

شومقالہ مزیدہ زمان بعثت محمدیہ دہ اقوام عالمک حال تاریخیسی بالجلہ تفصیلاتیلہ تصویر ایدرک بسیطہ مسکونی سراسر تلویث ایدن سیانی اورتہ دن قلدیروب انسانیتہ یاقیشیر ، انسانلری حضیض مذلتدن اوج رفعتہ چیقاررہ اصلاح عالم ایتمک مزیتی حائز بر دین مبین سماویہ نہ درجہ محتاج اولدقلرنندن بحث ایدہ جک دکاز . بحثک بوقدر تفصیلاتی استیعاب ایدہ جک وسعتی یوقدر . بزیا لکز اودورده کلن مورخینک بالاتفاق تحت تصدیقندہ اولوب اثباتی صدندہ اولدینمزن مقصد عالی بی تنویرہ صالح ایضاحات مختصرہ ایله اکتفا ایدہ جکز .

ظہور اسلامک بدایتندہ عالم مدنیتمہ فرمانروا اولان حکومتلر روما ایمپراطورلیقلہ ایرانندہ کی حکومت ساسانیہ ایدی . بونلر عربستان